





جلال نوری

مسلمانلره، ترکره حقارت دشمنلره رعایت و محبت



جلال نوری بکک اعدایه قارشى بسلمسى لازم کنن فکرلره
داثر یازدینی « شیهة خصومت » عنوانی مقالهیه جواباً عبدالله
چودت بکک « شیهة محبت » سرنامہ لی بندینہ قارشى مدافعة
نفس و مات مقصدیلہ یازیلان مضاد تعفن رسالہ در .


فیثاقی ۱ غروشدن



استانبول

« قدر » مطبعه سی

هجری — ۱۳۳۲



والدهم

نه غریبدر ا بر داهی بر حیات اولدنیجه قدری
آ کلاشلمیور. هرملتک و هر زمانک ان بیوک شاعر نرندن

هیچ آشاغی اولمان **عبدالحق حامد بک**

قدر بنی اولوالالباب ا فدیله مننجیل ایده مدکاری کی غروره لرده
کندیسنک صوک اثر نفیس بدیی اولان (والدهم) ی بر سطرله
اولسون قارنلرینه بیلدی رمدیلر ، بز بو قدر نادانی غلیظه
قارشی پروتستو ایله ملتی ایقاظ و اوروپا ده اولسه بیوک
بر حرکت ادیبینی انتاج ایده جک اولان بلند و محوشکار
رئیس جمهور ادبامزک بو اثر بلیغی قارنلرینه منزه تصدیق ایدرز.
فی ۵ غروشدرد

بالادن بر بسس

بوده میر مشار الیهک بر اثر منظومی درکه جلال
نوری بکک بر مقدمه سیله نفیس صورتده طبع ایلمشدر.
فی ۲ غروشدرد

1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900

جلال نوری

مسلمانلره، ترکلره حقارت
دشمنلره رعایت و محبت



جلال نوری بکک اعدایه قارشى بسلمسى لازم کلن فکرلره
داثر یازدینی « شیمه خصومت » عنوانی مقالهیه جواباً عبدالله
جودت بکک « شیمه محبت » سرنامه لی بندینه قارشى مدافعه
نفس و مات مقصدیه یازیلان مضاد تعفن رساله در .

استانبول

« قدر » مطبعه سی

هجری — ۱۳۳۲

(RECAP) (~~54~~)

DR 584

.I 434



مسلمانلره ، ترکره حقارت

دشمنلره رعایت و محبت

دوقنور عبدالله جودت بك تولدی . فی الحقیقه « اجتهاد »
صاحبی ارتحال دار « فنا » ابتدی! اگر سواقلرده، مطبعه سنده،
اوتوده بریده مومی الیه تصادف ایدرسه کز ظواهره قاپیلوبده
« قهریات » مؤلفنک هنوز بر حیات اولدیغنه ذاهب اولمییکنز.
عبدالله جودت بك ۱۶ کانون نانی ۱۳۲۹ ده وفات ایدرک ۸۹
نومرولی « اجتهاد » نسخه سنده کی « شیمه محبت » مقاله سنه
دفن ایدلدی . واقعا طیب حکیمک وجودی صابه صاغلام
یرنده طوریبور، شوقدر وارکه، ژون ترکر جمعیتک مؤسسلرندن
اولان عبدالله جودت بکک روح سابق افول ایتمش ، یرینه ،
آنک ضد کاملی بر روح قائم اولمشدر . فن روح شناسیده
« تبدل شخصیت » دیه یاد اولونان بر مطلب مهم واردر :
برانسان روحنی ، شخصیتنی غائب ایدر آنک یرینه بر بشقه
ذاتیت کچر . بوفن ایله اوغراشانلره کوره بوجهت وارسته
تطویلدر . ایشته عبدالله جودت بکده بویله بر حال طاری
اولمشدر . « اجتهاد » ک ۸۸ نجی نسخه سنده « شیمه خصومت »

۵۹-۳۳۵۶۰۷

عنوانی بر بندم واردی. گرفتار اولدیغمز بونجه مصائب اوزرینه ملتزمه بر آزالق تریق قوتی ویرمک، آنی بر آز جانلندیرمق لازم ایدی. اعدامزك نه کچی حسیات ایله پرورده اولدق لریخی، یزم نه کچی سلاح لرله تجهیز ایدرک مدافعه نفس و ملت مجبوریتده بولندیغمزی، اومقاله ده توضیح ایتمش ایدم. مذکور مقاله یی بومدافعه نامه مه ذیل ایدیورم. عبدالله جودت بك بوندن فوق اللزوم مغیر اولمش که « شیمه محبت » سرنامه مذهبی ایله یکبار جواب ویریور و بونکله عثمانلیلقدن، ترکک ویا کردلکدن، مسلمانلقدن استعفا ایدیور. بومقاله نك بعض فقره لریخی عبرت مؤثره اولق اوزره چلیبایه آسیورم :

« (اجتهاد سربست برکرسیدر. هر تربیه و مرغان صاحبی بوکر سینک اوزرینه چیقمق اوراده اجتهاد لریخی، فکری لریخی، حس لریخی سولمک حقنه مالکدر. اجتهادینه مخالف اجتهاد لر، کندی افکارینه غیر موافق افکار ده ما طومر یسی حقیقه غیر موافق بولدیغی افکار و حسیات نشر و وعظ ایدن لر کرسیدن اینر، اینز کرسی یه آلامق، خطا و صواب لری کوسترمک حتی بوکر سینک واضعی، کندیسی ایچون محفوظ طومشدر .

ایشته جلال نوری بك « شیمه خصومت » عنوانی مقاله سی بوپره نسبیك سایه حکمرانی سنده (اجتهاد) کچمشدر . (ده ای محمد) هنوانی و بوندن بر قاج نسخه اولکی (اجتهاد) ده عینی محرک (مولانا جلال الدین رومی) بی و (امام غزالی) بی بیچاره و مجذوب صفت لرله توصیف ایتمش اولسی (دل مستی مولانا)، (غزالی ده معرفه الله)، (غزالیات غزالی) مقاله لرینک یازیلدنه سبب . (شیمه خصومت) مقاله سی ده (شیمه محبت) مقاله سنک یازلسنه سبب اولیور . »

اوت ! بربرینه ضد ایکی درلواجهتهداك بر مجموعه ایله نشری
يك مصیب بر اصولدر. اذهان قارئینی تنویر ایدر. بلاغل وغش
ایلری یه سوریلن ایکی مهم رأیک هر ایکیسندهده بر شمه حقیقت
بولونه بیلیر. بن ، هر شیدن اول اجتهادات خصوصیه
رعایتکارم. شو قدر وارکه بو مسائل ، مسائل مجتهد فیهادن
اولمیدر. مثلا بری سربستی تجارت، دیکری حمایه اصوللرینی
ترویج ایدر. حتی بر عالم، مشروطیت لهنده، برایکنجیبی استبداد
لهنده اجاله قلم ایدر. بو اجتهاداتک هر ایکیسی ده معتبردر. فقط
قضایای مجتهد فیها خارجنده سوزسویلمک اوناز . بو کبی وعظلمه
مساعد اولان کرسیلر بیقلملیدر . مثلا بر حریف قالقوبده
بن مقاتله نك، لذتندن فحشیاتك شایان ترغیب برشی اولدیغندن،
ابانتك محاسنندن بحث ایده جکم چونکه بنم اجتهادم بو مرکزده در
دیر ایسه ، او آدم مراسم معتاده ایله محل مخصوصه کوندر بیلیر.
ایشته اعدایه محبت بسلمک ، اورویایه طایینمق بو مقصدله ،
بعدا الحرب ، ترکلری تحقیر و تزدیل ایتمک سد دنده کی عبدالله
جودت بکک اجتهاداتی بحث ایسدیکمز مطالب مضره یه بکزر
و آنلردن هر حالده ده غلیظدر . وطن فکری علیهنده
قوزموپولیتیزم و آنته رناسیونالیزم لقبایلهملقب برمسلك وارددر.
بز حریت فکریه نك طرفدار مفرطی اولدیغمنزن بونلردن
یخنده جواز ویرمکده تردد ایتمه یز . بآن شرطکه بومسلکله

برشکل علمیده مناقشه اولنسون . اوت ! اورته دن متقابل
خصوصتلی ، احتراسات متنوعه سیاسیه بی قالدیر اریسه ک بوکبی موادی
تدقیق ایده بیلیرز . شو قدر وار که هر کس بزم علیهمزده سباعه
یراشیر بر طرزده خونخوارلقده دوام ایدرکن بز آنلرله عقد
رابطه اخوت ایده مه یز . بویله اوله جق اولورسه بز دن ایله ،
بز دن احق ، بز دن آلحق ، خائن آدم تصور اولونه ماز . آلتی
دولت معظمه - یاسه ، بر دولت معظمه ایله درت کوچک دولت
فعلاً اوزرمزه هجوم و جانمزه قصد ایتدیکی برهنکامه ده بز
أورویایه برستش ایله اعدا حقنده « شیمه محبت » دن بحث
ایدرسه ک - هر در لوالفاظ کریمه بی لهجه ممدن اوزاقلاش دیر یورم -
عبدالله جودت اولورز ! خیر ! سر بستئ رذائل ، تعمیم
فحشیات ، حریت تزویرات ، ترویج ذمائم خصوصنده اجتهاده
مساغ اولمدینی کبی اعدایه محبت بسلمک ، فرنکلره طاینمق
میخنده ده بن حریت تصور ایده مم . خصوصیه بش حریدن
هنوز قور تولدیغمز و بتون معاهدات صلحیه امضا ایدلدیکی
بویله خاطر ناک بر دقیقه ده اعدایه (شیمه محبت) دن بحث
ایتمکی هیچ برغایه نجیبه ایله تألیف ایده مم . بومقاله نك آلتنده
بن بر یونان « آتیرینا » سی رئیس نك ، « وچه رنا پوشتا » مخبرینك
ویا « ده پارتیمان آزیاتیق » آجته سنك امضاسنی بولمق ایسته ردم .
افسوس که بوکونه قدر و وطن داشم اولان سابق بر حریت مجاهدینك
لاسمنی بولیورم .

بواعبارايه « اجتهاد » غزتهسى قيمتى بك تزييدايتمشدر:
هيچ بر سفارتخانه اجنبى ، هيچ بر اوروبا مؤسسه مالىهسى
تصور ايتم كه بوندن بويله عبدالله جودت بكك وطن كس
اجتهادينه ، ملت ناپرور افكارينه عطف اعتبار ايتسون .
بوندن بويله انگليز واجنبى انجيل شركتتك ، قار محافلنك ،
على العموم قاتوليك وپروتستان ميسيونرلرينك تجيل وتقديس
ايتدكلى بر ترك (?) صحيفهسى اوله جقدر كه بوكا « اجتهاد »
ديرلر .

هر كار وزارده طالعى غير ياور اولميان عبدالله جودت
بك بوخصوصدهده استفاده ايله چيقدى : فى الواقع تركلى
ومسلمانلرى غائب ايتدى ايسهده قلوب اعدايى ، افكار نصارايى
جلب ايتدى !

فسيحان الله ! جلال الدين رومى بى مدافعه بو عبدالله
جودت بكه قسمت اولمش !.... بن (محمدك دهاسى) عنوانلى
فصلمدنه منلاى رومك عليهنده بولونمدم .

عظمت احمديه وعزم محمدى مواجهه سنده متصوفنك
صفوتندن بحث ايتدم . غزاليدن ايسه اصلا بحث كچمدى ،
ظن ايدرهم كه صاحب « اجتهاد » كندى غزتهسى او قومامش .
اكر بكا قارشى كلك ايجون (غزاليده معرفه الله) و (غزليات

غزالی) بندلرینی قلمه آلمش ایسه یازیق ایتمش. چونکه امام مشارالیه حقده اصلا سوزم یوقدی .

« جلال نوری بك ظن ایتمه ییکز که تورکیه . تورکلر ، مسلمانلر ، حیاتلرینک نفس واپسیننده بولنیورلر دیور . اوت ! ترکلر ، مسلمانلر ، تورکیه حیاتلرینک نفس واپسیننده یعنی صوگ نفسلرنده دکلدلرلر . جلال نوری بکک بو (اجتهاد) نی قبول ایدرز . بو اجتهادنی تأییداً ایلری سوردیکی دلائلیده قبول ایده بیلیرم . انور بکی هنوز بنغازیده ایکن بن (حسیاتمک فطوغرافی) عنوانلی ویر مجموعه سنک هلال احمر منفعتنه چیقان نسخه فوق العاده سنده مندرج بر مقاله مده دها آکشین بر لسانله تبجیل ایتشدم . و تورکیه نك استقبالدن و ملتکم معمریتندن امیدوارلغی کوستر مشدم . بوجهلرده اجتهاد اخلافز یوقدر . »

بوققرمی او قود یغمده عبدالله جودت بك ، حضار
مواجهه سنده بکا دیدی که :

اوت ! بن ترکیه نك آن واپسیننده اولدیغنه قانم . فقط
بوندن مقصدم شودر: ترکیه آن واپسیننده هنوز دکلدلر؛ آندن
بر آن اولده در ! . . .

بوفکر لرله چالیشله جق اولورسه وای مملکتتمزک، ملتتمزک
باشنه کله جکلره !

یارین قیامت قوپاجغنه ذاهب اولان برکیمسه ایچون سعی
و عمل بیهوده اولدینی کبی یارین دولتتمزک انحطاطنه ایمانکار اولانلر
ایچون هیچ بر حرکت و مشیته حاجت یوقدر . و بویله بر فکرده

اولان بوراده طور ماملیدر. خزینہ دولتدن نواله چین اولماملیدر. آمریقاییه، یکی زه لاندہ کیدوب کندیسینه بر وطن تدارک ایتلیدر. ایشته بوکی افکاردن وطنم متأثر و متالم اولیور .

انورک ستایشی خصوصندہ کی فرط غیرتہ کلنجہ: بن انور پاشایی ثناده مطبوعات مدیریتدن امتیاز مخصوص استحصال ایتدیکمی ادا ایتدم. مفاخر عسکریه مزندن برینی مدح هر کسک حقیدر. فقط هر کسه رایگان کوردیکم بو حقی بوندن بویله عبدالله جودت بکه لایق کوره میه جکم. چونکه جودت بک انورک ضد کاملیدر. بری وطن و ملتک استعلاسی، دیکری استیلاسی فکری ترویج ایدیور .

وقتیله نجیب ماحمه پاشا خاقان سابقدن خفیہ لک انحصارینک عہدہ دولتنه احساساتی رجا ایتشدی. ظن ایدرم که عبدالله جودت بک دہ، فرجه و فرصت بولسه، بونک کبی برمداحلق امتیازی ایستہ یه جک . . .

«جلال نوری بک بر مذهب خصومت و عظ ایدیور. ایشته بوراده تحریر آرقداشمدن شدتله آیریلیرم. بئم ناشر اولدیم و (اجتہاد) ک اساساً نشرینہ خادم اولدینی مذهب، خصومت اوزرینہ دکل محبت اوزرینہ مؤسدر. بئم اعتقاد و اجتہاد بجه محبت خصومتدن دها قوتلی و دها مستمر، دها فیاضدر.»

تأسف اولتور! بن اعدایه، جانمزه، ماللزہ، ملکمزہ،

دین دولتمزه خصم اولان وروم ایلمیزی ، طرابلسمزی ،
آطه لرمزی تاراج ایدن بدخواهره خصومتی و عظم ایدیورم .
و بوجاهدهم ایله الی الابد افتخار ایدرم . دو قنور عبدالله جودت
بك ایسه آنلره محبت کوسترمک ایجاب ایتدیکی اجتهادنده
بولنیور . بطلان حساب ، نقصان حینتک بو قدر یوکسکلره
چیقہ بیلہ جکنه احتمال ویرمزدم . بو کبی افکاره جواب ویرمکدن
حیا ایدرم . بن بوسوزلرک ایچنده جزویت جمعیتی مؤسس
سهنت ایغناس دولوا یولانک روحنی کوریورم . نصارانک
مفروض عیسالری « دشمنلریکزی سهویکنز ! » و « بری
سزک صاغ یناکنزه برتوقاد آتارسه سز آ کا صول یناکنزی ده
چویریکنز ! » دیمش . جزویتلر علمی اغفال ایچون ، منفعتلرینه
موافق کلیرسه بو کبی احادیث مخیلہ مسیحیہ نی ایلری سوررلر
فقط اصلا دشمنلرینی سهومک آنلرک عقلنه کلز و بری قضارا
آنلره بر شمار عشق ایدرسه آنلر هر درلو وسائطله ، دیگر
یناقلرینی ده متجاوزه توجیه شویله طورسون ، آنی محو واقنا
چاره لری نی بولورلر .

کمال جدیتله دیرم که بوسوزلری سویلدیکی وقت نه قدر
جزویت سر آمدان سلف و خلفی ، نه قدر ابالیس و شیاطین ،
بیهرلر میت و اهل صلیب اعظمی ، آباء کنیسا وارسه جمله سنک

روحلری عبدالله جودتك دماغنه فرجه یاب دخول اولمشلر
و آکا Inconsciemment بو سطرلری یازدیرمشلردر .
افندم ! بز (ده ماغوغ) و عادی (پرو و وقاتور) ایتمشزده
خبر من یوق ایتمش . باقکنز (مسلمانلر اویانک !) محرری
نه دیور :

« جهل و تعصبی موقع استفاده به قویق و عوامه خادم و نافع اولمشلرین
آنلرک خوشلرینه کیتمک ایسته مک بز دن الی الابد اوزاق اولسون !
دکل قلم اهلنک ، حکومت آدملرینک بیله بونلردن یعنی جهل و تعصبدن
وعوام فریبیلکدن اساسلی و دواملی بر صورتده استفاده ایدیله بیله چکنه
قائل دکلم . »

دیمک اولیور که بز جهل و تعصبدن استفاده ایله عوامی
قیشقرتیور ایتمشز . فسا دکل . بونلر ، بو کبی یازی یازانلر
الی الابد کندیستدن اوزاق اولملی ایتمش !

بک اعلا اما ، بونکله برابر ، عبدالله جودت بک شو مقاله
جوابیه منک (اجتهاد) ایله نشرینی هیچ اولمازسه مطبعه سنده
طبعنی رجا ایتمشدی . بو پرهیز نه ، بو لحنه ترشیمی نه ؟
مدافعه مک (اجتهاد) ایله اتشارینه تنزلکار اولمدیغی سویلدیکم
بوقت دوقتور بک ینه اصرار ایتدی ، آنک بورجاسیله یازدیغی
بو سوز آراسنده کردابلر وار .

افندیلر ! بز متعصب ایتمشز ؛ اوروپا متعصب دکلمش .

بتون قباحت بزم ایش . خلاصه کلام بتون جنجهلر، جنایتلر
هپ بزه راجع ایش . اوروپا و خصماض کافه نزیه ، کافه
حق پرور ایشلر . بزم عداوت دینه من ایش که باشمزه بونجه
بلالری کتیرمش . بو افکاردن آ کلاشلیور که بز ترک ایمان
ایتسهک هر شی دوزله جک . آتیده کی سطرلری او قور ایکن
بلکه ژه زوئیت اعزه سنک ارواح خیثه سی کوزمک اوکنده ،
بر رسم کچید یاهه رق ، کوروندیلر :

« بزم بوفلا کتمز وهر فلا کتمز ، عالم اسلامک دیواندام ومتوالی .
فلا کتلی آیین خصومت سالکی اولامزدن در . بز مسلمانلر عالم
خرستیایته بغض ایتدک . خصومت ایتدک . چونکه اونلر بزم طا -
پندیفمزه طاپینه بورلردی و چونکه مدینتجه آنلرله بزم آرازده بش
آلتی عصرلق بر تفوق ، بر دور ترقی وانسلاخ وار . بو خصومت
دینه دیکر امورهده سرایت ایتدی : آنلردن کلن ائی شیلری ده
فنا تلق ایتدک . بز آوروپادن زیاده کندی کندی عزی تجرته ایتلیز .
اوروپا دیمک (تفوق) دیمکدر . »

ای قاره ذی اعتبار ! شو سطرلره جواب ایسترمیسک ؟
بن ظن ایتیم که کوچوک حرف ایله یوقاری به نقل ایتدیکم شو
بر قاج جمله محتاج رد و جواب اولسون . هندسه وسائر فنون
ریاضیهده وارسته اثبات « متعارفه » لر اولدینی کبی سائر مطا -
لبدهده بعض مواد واردر که آنلری رد یالکنز زائد دکل ،
کولنج وحتی غلیظ اولور . بنده سطور سالفه بی ساده جه

تشمير ايله اکتفا ايدورم .

بن عمیق بر حس وطن پروری ، فنا ناپذیر بر تأثر ايله
زوالمی اشقودره بی ، مناسرتی ، سلانیکي ، طرابلسی تحنطری
وبرکون اولوب بونلری آله جغمزدن بحث ایدوردم . اوسطری
یا زارکن الم بر بحران ایچنده ایدم . قبل الطبع مسوده بی هر کیمه
اوقودم ایسه طوگا قالدی و آغلادی . سانکه بر بیوک جنایت
ایشله مشم کبی عبدالله جودت بنم قارشیمه چیقور و آنلری بزدن
قوت آلدی ، علم آلدی ، زنکینلک آلدی ديه اعدایه برحق غضب
و پرور ، آنلرک تجاویزی اباحه ایدور . کندیمی عادناسلانیکنده بر یونان
غزته سی اوقوبور و یا طرابلسده ایتالیا والیسنک بر نطقی دیکلیورظن
ایتدم . مکرسه خطا ایتشم . اوقودینم غزته یونان غزته سی دکل ،
دیکل دیکم آدمده ایتالیا ن دکلش . زوالمی روم ایلی ، بیچاره طرابلس
غرب ! سزه ، شوسفیل و پست یزانس محیطنده ، مرثیه خوان
اولقلغه بیله جواز ویرمیورلر . پارسده ، اتحاد میداننده ،
قرق بش سنه کچدیکی حالده ، حالا ، سترازبورغ هیکنلک
اوستنده ماتم علامتلی ، چلنکلی اولدینی و هر فرستدن
بالاستفاده وطن پروران او آبدنک جوازنده کوز یاشارینی
آقتقلری حالده بنم سزلا اوزرنده کی حق حس و وطن پروریمدن
بحث ایتمکلکم بیله بر جنایت اولیور . هم بوسوزلی سویلیندرده
کیم بیلیرمیسک ؟ ایلك ژون ترکلردن بری : مشروطیتک

(مؤلفهٔ قلوبندن) بر صاحب اجتهاد ! بوکا خصوصی دکل ،
عمومی بر نقطه نظر دن تأسف ایتم . شخصم اعتباریله دکل ،
ملتم ، زواللی وطم اعتباریله آغلادم . نه در کله ره هبوط ایتمشز ؛
نه قدر ایتمشز ، نه قدر یوار لایتمشز ! ای عبدالله جودت بک !
هر نه دیر ایسه ک حقت وار . مادام که بزم آره مزده سنک کبی
افکاره سالک اولانلرده وار هر مصیبت ، هر فلاکت حقمزدر !
کندیمی قرق بش سنه اوله ، فرانسه یه ارجاع ای دیورم .
سه دان فلا کتک عقبنده شو (شیمهٔ محبت) مقاله سنی بر
فرانسز ادیبی یازسه ای دی عجیبا نه تأثیر اجرا ای دردی ؟ بن
ایلری کیتیمیم . سز ، ای قارئلر ، دوشونکنز .

جهل و تعصب علیهنده اجالهٔ قلم ای دن ، حتی جلادت
مدنیه ایله ایلری کیدن نیم . حتی اودرجه ده کی متمزک نواقصی
دستورلره ، قاعده لره ارجاع ای دن شو عاجز محرردر . قارئین
کرامی اشهاد ایله انعا ای درم که بندن اول شو مباحثی زمین
مصاحبه ای دن یوقدی . هر کس بشقه وادیلرده یازی یازارکن
بن (تاریخ تدنیات عثمانیه) می نشر ایتم . بتون قباحتر منری
یوزومزه اوردم . اووقت هنوز بالقان محاربه سی اعلان ای دنما .
مشدی . فقط بن متمک خیر و سلامتی ایچون اجالهٔ قلم ایتم .
جهله ، تعصبه قارشو اعلان حرب ایتملی واعدایی اموال مفصو-
به لریله راحت بر اقلی ایتمش ! نه اعلا ! نیم (مقدرات تاریخیه) مه

اوزون برتقریض یازان و آئی (مرد و متین برداهینک اثری)
تلقی ایدن عبدالله جودت بك بر سنهك وقایبی نه چابوق
اونوتیورده شمدی بكا جهالت علیهنده مجاهده نك فواندن
بخت ایدیورم . بن هم جهل و عطالت علیهنه ، همده اعدا
علیهنه یورورم . عبدالله جودت بك كبی منحصرآ دائرة
معنویاتده قالم . فی الواقع نادانی و رخاوت فنا شیدر . فقط
اوروپانك ، عالم كفرک ، بالقانلرك خصومتی آنلردن آز فنامیدر؟
بن دشمنلرمزی نظر توجله كوره جك درجهده تمدن ایتمد .
بن عبدالله جودت بك قدر اینجهلمدم ، آلافرانغه اوله مدم .
پدرمك ، والده مك مسقط رأسی اولان یرلرك اوزرنده بوكون
یونانك ذی شامت بایراغنی كوردیكمده بن : « ای عالیجناب
روملر ! خوش كلدیكز ، صفا كلدیكز . فتحكز مبارك اولسون .
مظفریتكزی تبریک ایدرم . بزبورلره اصلالایق دكلدك . سز صاحب
مشروع و حقیقتلری سكز . » ديه جك درجهده ذاتمده مزیت
تصور ایده میورم . بن قدیه و پره وزه قلعه لرینك اوستنده مائی
یونان سنجانغنی كوردیكم وقت زوال ناپذیر برحس عداوت
طویورم . قارشیمه برلوح استقبال کلیور : « عثمان اول » ،
« رشادیه » و سائر دردنو طلرك قاره یه عسکر اخراجی منظره سنی
كوریورم . و ، سكا یمین ایدرم ، ای دو قنور عبدالله جودت
بك ، بنده بو حس غیظ و انتقام اولماسه یاشامق ایچون برسب ،

بروسيله قالماز. نه ديمك ؟ ممالك مغصوبه مز ايچون اغلاميه لمي؟
دنياده هانكي مغلوب ملت واردر كه آلندن كيدنه متأسف اولمامش
و جزای سزام ايدي دها سنك كي تفلسف ايتمش؟ دوكتور عبدالله
جودت بك بر جزويتلك دهاياييور. بن اعدايه خصومتدن، كفاره
عداوتدن بحث ايدسيورم. معارضم جواينده، اصول ايله بوكلملري
قالديرمش. بنم (شيمه خصومت) مده كي خصومت اعدايه
قارشيدر. عبدالله جودت بك (شيمه محبت) دن بحث ايدسيور.
كيمه قارشى ؟ مادام كه جواب بنم مقاله مه قارشيدر ؛ ديمك كه
بنم هدفى دوكتور اله آلمش. او حالده يونانه ، قره طاغه ،
بولغاره ، صربيه ، ايتاليانه ، بزهركار وزارده ، تعهدلردن ،
تمامى ملكيمزك كفالتنى متضمن قوجه قوجه معاهده لردن
صرفظر خصومت كوسترن واعدامزه ظهير و نصير اولان
أوروباليلره محبت بسليه لم. سن انى عفو ايدرسك عبدالله جودت
بك !

عربجه ایستیهن عربانه کیتسون
 عجمجه ایستیهن ایرانه کیتسون
 فرنکیلر فرنکستانه کیتسون
 که بز ترکز بزه ترکی کر کدر

اگر بوفکرده ایسه ک سکا بوراده یر یوقدر. اوغور اوله!
 سنی وجدان امت تطلیق ایدر. حریتک آله در.

بن ، وطن ، ملت ، دین ، مملکتیم علیهنده بولندقلری ایچون
 ویقتور اوغو ایله بایرنه (علیه اللعنه) دیشم . محضا خرسیتیانلق
 و یونان قدیم عشقنه مورانی آیاق لاندیرانلر و یونان دولتک تشکلنه
 ویا تکاملنه یاردیم ایدنلر آره سننده اوغو ایله بایرن بنم دوستم
 اوله ماز . بویکی شاعرک عالم ابدنه کی موقعلری بشقه در. بونک
 ایچوندرکه مقالهمده علیه اللعنه بایرنی بالاسوبه عنوانیله تالیف
 ایتمش ایدم . فقط مادام که بویکیسی بنم دولتک خیر ناخواهی
 ایدیلر بن آنلرک لهنده بولونه نام . بایرن بالذات محاربه به اشتراک
 ایددی . دوقتور عبدالله جودت بک او علیه اللعنه بی مدافعه
 ایله بایرن ترکرک ، مسلمانلرک علیهنده دکلدی ؛ آنلرک سلطنت
 خشینه سی علیهنده ایدی که بز لر دخی سنه لرجه بو حکومتک علیهنده

بولندق . ديور . استغفرالله ! عبدالله جودت بكي بيلم ، فقط
بز هيچ يروقت تماميت ملكيه عثمانيه عليهنده بولمهدق . لورد
بايرن ايسه بزم ممالكمزدن بر قسمتك قويارلسي . ايچون بالذات
مخاربه يه كيتدي . بوندن بيوك برخصومت تصور اولنه بيليرمي ؟
ويقتور اوغونك اشعاري حقنده سوز سويليه جك دكلز . فقط
بوشاعريك عليهمزده انشادايتديكي منظومه لرك ده حيراني مي اولملي بز ؟
بايرنك بر ايكي فقره سني ، دوقتور عبدالله جودت بك ،
بنم مدعامي جرح ايچون ايلري يه سورييور . بن استعاراتك قيم
ادبيه سي حقنده سوز سويليه جك دكل . بايرن عليهمزده بالفعل
حربه اشترك ايتديمي ، ايتديمي ؛ دنيايي تحريك ايله ترك
خصومتنى ايلريلنديمي ، ايتديمي اوغو بزه ياردمي ايتدي ،
يوقسه يونانليرى تشويق وترغيب ايله اوروپايي عليهمزده چو برمديمي ؟
دوقتور جودت بك وطنداش لرينه بتون حرارت روحيله محبت
دايما محبت ، توصيه ايديور . وبوني علمه ، قوته ، ثروته فضائل
مدينه يه محبتله تفسير ايديور . بن بونلره خصومت ايديكز
ديهدم . بن اعدايه خصومت ، كفاره خصومت ، عليهمزده كي
اوروپايه خصومت ديدم ، بناء عليه اكر محبتي اعدايه تشميل
ايتيورسه بومقاله جوابيه نك تحريردن مقصد نه ؟ كيم علمه .
خصومت پرورده ايديكز ديدى كه عبدالله جودت حضرترلى
علمه محبت توصيه سي مجبورينده بولونسون ؟

بزم خصم جانمزد کنندی عطالتمز ، جهالتمز ، فقیر لکمز ،
و تمصبمز ، الخ ایتمش . آئنا . فقط بونلرله برابر و آنلردن
دها زیاده یونانده ، صربده ، بولغارده ، ایتالیانده ، اتفاق
مثلثده ، ائتلاف مثلثده ختسممز در . عبدالله جودت بک بونلردن
بخت ایتمکله عادتاً آنلری سبجل اعدادن چیقاریور .

دو قنور بک دیور که اورویا بزم خواجه مزدر ، اورویا به
محبت ایتمک علم و ترقیه مادی و معنوی قوته محبت ایتمکدر .
انسان سومه دیکندن اک کران قیمت هدیه بی بیله قبول ایتمک
ایتمه مز . سودیکنه ایسه :

خوشدر بکا سندن کلن

یا غنجه کل یا خود دیکن

دیور . فنا دکل . بطلان عقلینک بودرجه سنی بر در لو عقلمه
صتمش دیره ماز ایتم . اورویادن بز آنجق ته فنیق = آلیات
آله بیایرز . او اعتبار ایله ضرب بزم خواجه مز اوله بیلیر . فقط
معنوی خواجه لغه کلنجه آنی اصلا و قطعاً بز قبول ایده مه یز . بزم
اخلاقز ، عاداتمز ، فضائلز بشقه در ، بز اورویا روحیات
و معنویانندن مستغنی یز . عبدالله جودت بک بوقدر سودیکی
و اثر لرینی ترجمه ایتمدیکی دو قنور کوستاو لوبون بیله بزه : « بزم

«مدنیت اخلاقیه من سزه یاراماز ، دیور . امان ! اوروپا مدنیتک
دیکناریخی هیج ایشتمک ایسته میورم . یوقاری به نقل ایستدیکم
بیقی کوردیکم وقت عقلمه (تبت یدا) سوره سی کلدی . عبدالله
جودت بك صاقین زوجه ابولمک رولنی قیصقانسون ؟

مترجم ذی شهرت دیورکه جلال بکک دیدیکی کبی دنیا بزم
خضممزدرد وعالم کفر علیهمزده در دیمک عادتا فولی دولابه رسه .
کوسیون تسمیه اولتان روح خسته لنتک اعراضنی کوسترمکدر .
تشکر ایدرز . عبدالله جودت بك کبی حذاقتی مسلم بردوقتورک
شهادتنامه طبیسی ایله مجنونلر دفترینه ده قید ایدلک . فقط دلی
کوملکنی کیوب تیمارخانه نی کندمزه یورد ایدینه دن برآز
دوشونلم : یونان ، بولغار ، قره طماغ ، صرب ، ایتالیا بزه
جنک آجدی . آلمان ، آوستریا مجارستان ، روسیه ، فرانسه ،
انگلتره بونلره ظهیر اولدی . آرتق بونک اوزرینه دنیا بزه
خضم دیمکده حقمز یوقی ؟ فولی دولابه رسه کوسیون خسته لغیله
مصاب اولان هریرده بردشمن ، هریرده برتهلکه کورورمش .
یا ، فی الحقیقه هریرده بردشمن ، هریرده برتهلکه وارده برآدم
آنی کورمز ایسه اونه نوع جنتله مجنوندر ؟ فلیحزرر .

ژاپونیا اوروپادن توقاد ییدیکی حالد ای والله ! دیمش وژاپون
لیمانرینی ایلك دفعه بومباردمان ایدن آمرالی حرمتله یاد ایتمش .
بوسوزلر صاحجه در . اوروپانک اك زیاده کرفتار شتم و تعریض

اولدینی بر ژاپونیا در و شمس طالع حکومتی آنجق آورو یانک
آلیاتی آلوب قطعاً اخلاقی رد و تزییف ایتمکله نائل مظفریت
اولمشدر. داریسی باشمزه . (اتحاد اسلام) عنوانی اثر مزده کی
تفصیلاته مراجعت بیوریله .

عبدالله جودت بک آورو یا بزه بردکل بیک توقاد ووردی ،
بز او یانعمیورسوق قباحت آنک می یوقسه بزم بال قاباغی قافالرمزکی می؟
دیور . آورو یا به خوش کورونمک ایچون کندمزنی ایندیرمک!
ای جلوه زمان ، ای ترکک طالع منحوس و ناسازی ! ایکی
فرنکک قارشلی لیه راللق طاسلامق ایچون جمله مزه بال قاباغی قافالی دیمک .
عجبا هانکی نزهت لسانیه ایله ائتلاف قبول ایدر ؟ کشی اقراربله
الزام اولنور . [مجله ماده ۷۹] ملت بال قاماتلغنی ردایدر و عبدالله
جودت بک اقراربله قالیر .

بز هپ آخرتدن بحث ایدر مشنز . عجبا هانکی دین وهانکی
ملت آخرتدن بحث ایتمز ؟ بتون آلمانلر بوخنهر ، بتون فرانسزلر
دوقتور لوطورنو میدر ؟ واز کچه لم بویله مالایعنیآدن .

اجانب بزه هیچ ر شی یا پامش . بالعکس تیمور بولی
پامش ، خسته لکلرمزنی تداوی ایتمش . الی آخره . هپ اپی
جهتتری ذکر ایدوبده بونجه مظالم و اعتسافاتی قاله آلاماق
طوغریسی شیمه نصفت ایله قابل تألیف دکلدرد . «بونی بر آورو بولی
دیپلومات سویلسه آکلارم ، غزته جی برفرنک بویله بر ادعاده

بولنسه ینه آ کلارم . فقط بونی طیب حکیم ، مشهور وطن پرور عبدالله جودت بك سویارسه کندیسنه کیاستلو رتبلو القابی ویرمکده تردد ایتم . (أوروپانک علیهمزده درکار اولان مظالم واعتسافانه دائر یازدیغ کندی نقطه نظر مدن حقوق دوله . مراجعت بیوربله) أوروپانک سعی و عملی حقنده کی دو قوتورک سوزلرینه ده ماغوزی دیمکدن بشقه برشی یاغام و بوناری تنقیده ده تنزل ایتم . بالکز بولغار چارینک اهل صایب پروباغانداسنی تخطر ایتم .

بزم برایکی ضرب مثلغزی وسیله مباحثه ایدوبده دو قوتور آشکلکمزده حکم ایتمک ایستیور . بز : « افندم وقت کچمبور که .. » دیور ایتمز . صانکه بویله اباهانه ضرور امثالک اجنبی لسانلرنده مقابله یوق ایتمش کی معارضه عز عقلاقی صایور . وقتی تولدیرمک Tuer le temps ضرب مثلی ترکیبه میدر ، فرانسه جه . میدر ، ای مترجم کل آثار ؟ بونلردن بحث ایتمک نه قدر کو چکلک ! برده دو قوتور بک شونی سویلیور که هر طرفده خواص عوامک روحیاتنه حاکم ایکن بزده ایش بر عکس ایتمش . بنم یازیلریمی اوقودقلری وقت اجنبیلر یکی برشی او کریمیه جکلر ایتمش . بن مقاله می اجانب ایچون یازمادم که آنلر یکی ویا اسکی برشی او کریمش اولسونلر . بنم اسکیدن مسلکم اجانبه قارشی کندیمنی مدافعه ایدی . بالاخره باقدم که اجانبک فکری دونمز و آنلر گروه

لايفلاحوندرلر ، آنك ايچون آثاري تركجه اولارق يازدم . بن ، عبدالله جودت بك (شيمه محبت) نى اجانب ايچون يازدينى كچي طائلى وآجى صوفرنكلرني بمنون ايتك ايچون كندى مقاله مى يازمامشدم . دوكتور بحران كنججه جلال نوري بنه بنم كچي دوشونديكنى و دوشونديكى كچي يازدينى كوستره جك ايمش ديور . استغفرالله ! بن شخصيتى قرق دفعه تبديل ايدنلردن دكلم .

بچاره دوكتور قاديلر مسئله سنى ده ايشه قاريشديرسيور . هر كس اوبويوركن بن تحريرسوان ايچون اثر نشارايمشدم . ديمك كه خدمات محافل اجنبيه ده بك چابوق اونيتيلبور . لى الدكتور مدنيت آنجق اوروپا مدنيتى ايمش ؛ بونى كلبله ، ديكنى ايله استجناس مجبور يانده ايمشز . عشق اولسون ! بونى ، لى الاشهاد صحنه يه چيقاريلان دوكتور كوستاو لوبوزده رد ايدبور ، دوكتورك طائيدىنى ماقس نورداوده ، سوسياлистرده ، انترناسيوناليستلرده . تكامل اقوامك قواعد روحيه سى نام كتابى ايله ترجمه ايدن عبدالله جودت بك هر مدنيتك هر ملته ياراشه ميه جغنى و اوروپا مدنيتك مسلمانلره مناسب اولمدينى فصلنى اوقوملى ايدى . هيچ اولمازسه بزم (اتحاد اسلام) ي بر كره كوزدن كچيرملى ايدى . اوروپا مدنيتندن بشقه مدنيت اوله ميه جغنه كلنججه : جهلك اول مرتبه سى سهل اولماز ! مصراعنى تكرر ايدرز . يا اوروپا مدنيتك ديكنلرى ؟ ... فرنكى ، ورم ، كوئلرستى ، پوپه ريزم

بورسه، الحکم لمن غلب، الی آخره دیمک اولان بو دیکتتری
عبدالله چودت بکه بیله اعادهیه کوکلمز راضی دکلدرد .
خلاصه کلام : بزحیمزک معنوی وفاتنه جدا کریه ناکتر .
الله تقصیراتی عفوایتسون وجسمتک ایچنه کیرن هاروت وماروتلری
تیز زمانده چیقارسون .

یکی کوی — ۱۵ کانون ثانی ۱۳۲۹



اجتہادك ۸۸ نومرولى نسخه سنده كى مقاله در :

شيمه خصومت

— الحان وطنه متشكرآ، ناظمنه —

ديتم كينمدر .. نظيف

ترك و مسلمان ملتته ، ترك و مسلمانلرك وطنلرينه ، آل
عثمانك تحت تابعيتدن چيقوب كريان اولان اجزاي وطنه
قارشى بسنيلان محبتدن بيوك بر عشق تصور و تخيل ايده مم .
بو سوداي خروشان برده هر دم — متزايد بر عدواني ، بر
خصومتى مندجدر كه بوندن بيوك ، بوندن عاليجنابانه ، بر
فضيلت تصورى ده ألمده دكلدر .

اوت ! خصومت بلند و علوى بر خصلتدر . دشمنه دشمن
اولق افضل سجايا ، احسن مزايا ، اكمل وظائف ، اقدس
فرائض اسلاميه ، اقدم حقوقدر . قلبنده اعدايه قارشى

انطفانا پذیر بر خصومت بسله مین ملت ، اسارته نامزدلکی
قورمش دیمکدر .

بی آدم اعضای یکدیگرند، که در آفرینش زیك کوه رند!
يك اعلا . . . هر شينك فوقده، حتی آمال دینه و ملیه نك
بالاسنده بر غایه معلاى بشر پروری بيلهلم . بو هر حالده ،
نظریات اعتباريله ، يك علوی برحس اوله بیلیر . فقط کندیلری
ایله رابطه مؤاخانی عقد ایده جگمز کیمسه لر بو فکرده دکل
و بناء علیه اخوت فوق الملل نظریه سنی استحقار ایله هر کون
Crime de lèse humanité بشره سوء قصد ایدیورلر سه ...
آنلرله دست بدست وفاق اولاییلمی یز؟

حوصلم . فلاکترمزی احاطه ایده میور . یا ! ديمک که
سلانیک ، مناستر ، طرابلس بزم دکل ؟ شمذی اسکوبده قرال
پترو نامنه خطبه او قونویور؟ آرنواد دینداشلمز بزدن آیرلدی
و غیر مسلم بر حکمداره بیعت ایده جکلر ! بعضاً ؛ او یقوده بونلر
خاطره کلدکجه بردن بره سیلکینیور ، یا تاغمدن فیریور بتون
بو مصائبک بر رؤیا اولسنی قاضی الحاجاتدن نیساز ایدیورم .
افسوس ! او یا نتیجه ، حقیقت دهها جدی بر شکل آلهرق عادتا
روحی ، قلبی ، مفکره می یاقیور .

هرشینه قارشی قیام و عصیان ایدیورم . اوغلیانی زمامده
یا لکنز برسجیه نجیبه بنده منجلی اولیور : خصومت ! اوت !

بلکه سوک درجہ دہ مصلح و صلح پرور بر فرد اولدیغم حالده آیری آیری بتون اوروپالیلری شمال برونندن ماتاپان بروننه قدر امله کسه جک مرتبه ده کندمده جوشان بر شیمه خصومت طویبورم .

خیر ، یا امت محمد ! ویردیگمز یرلری سیاست و یردک ، دیپلوماسی اقتضاسی اوله رق و یردک ویا بعضیلری هر نصلسه آنلری و یردیلمر . روحمز ، قلبمز ، ملتزمز ، دینمز اصلا ، سلانیکلی ، طرابلسی ، اشقودره یی ، الی آخره ، تسلیم ایتدی . بیکلرجه شهیدک روح نالانی شمدی بالقان سلسله جبالنک فوقده مشیتمز ، حرکتمز نکهبان ونکراندر .

بزم مدار بقامز ، بادی فلاحمز ، عصای اتکامز بو خصومت اولاجقدر . خصومت کله سنی فنا بر معنایه آلمه بیکمز . اگر لهجه کزده بولفظه مناسبتر بر یر و یرمش ایسه کز در حال تبدیل ایدیکنز سزجه ، بتون مزایا و فضائلی اجمال و احتوا ایده جک بر کله لازم ایسه بونی « خصومت ، « عداوت » ، « کین » ، « انتقام » ، « دشمنلق » لفظلرنده بولو کز . سزدن اولمیانلره ، علی الانفراد اجانبه خصم اولیکمز . صره سنده علنی ، بعضاً خفی ، فقط حالده قلبی ابراز عداوت ایدیکنز .

دنیابزم خصم مزدر ، بولغارستانده اسیر اولوبده قورتیلان ضابطلر سویلیورلر . بولغار قومی من الازل مکتب چوجوقلرینه

تورك خصوصتی فكرينى القا ايتمشلر. محله مکتبلرنده ، کليسالرده .
مخفلىلرده ، کلبه لرده ، تارلالرده دائما ودايما بو ترك دشمنلى
آتش مقدسنى ادامه ايدييورلر مش . ألىنوسلرك بتون قصه لرى
خصوصت تركيه اوزرينه مستنددر . كوكلره چيقارديغمز ويقتور
اوغو (عليه اللعنه) ترك خصوصتى ، مسلمان عداوتى اك بديع
شعر ليله عالمه يايمش ويونانستانه پك بيوك خدمت ل ايفاسنه
موفق اولمشدر . شاعر بالاسويه لورد بايرن (كذا عليه اللعنه)
بو فكرى او قدر ايلرى سورمشدر كه بالذات يونانيلر ايله
برلكده بزه قارشى جنك ايدر ك ميسولونكى محاربه سنده
جزاي سزاسنى بولمشدر .

عالم كفر عليهمزده در . بناء عليه بز ، بز دن بشقه هيچ بر
كيمسه نك لهنده اولاماز . اوروپايه محبت تصور ايده بيله جكم
ذمائمك اشعيدر . ژاپونى سا ، دركار اولان قوت وجلادتى
اوروپايه خصم اولمقدن آليور .

كچيرديكمز بشرك شودوره بهيميتنده ملتلك سائق مقدراتى ،
ناظم اراداتى ، خالق عزم وقوتى مبارزه گاه كائنا تده غلبه
سوداسيدر ، كه بوده آنجق وآنجق شديد بر آتش خصوصتك
هر آن فروزان اولمسنه وابسته در .

اي تركلر ومسلمانلر ! سزه سويلنه بيله جك اقوال صلح
پرورانه واغفال كارانه يه قارشى قولاق لريكزى طيقاييكنز . ۱۲۹۳

محاربه سندن صكره بزدن اولكى بطن ، متبه اولوبده شيمه
خصومتی ، فكر كین وانتقامی ایلری سورسه ایدی شو
صوك فلاكتره معروض اولمازدق . شمدي سزه خطاب
ایدیورم : بلاغ بندن ، رد ویا قبول سزدن: اكر بو کون
اولانجه قوتیزی خصومه ویرمز ایسهك آتی بزه اسارت
زنجیرلی ، مزارلر ، دار آغاجلری ، زندانلر . . . الخ ،
حاضر لیور .

اثر پیغمبری به اقتفا ایدیکنز . جناب سیدالبشر علیه الصلوة
والسلام اعدایه قارشى اك بیوك حس خصومت و نفرتله
متحسدی . اینجه حقیقتلردن ، تراشیده فلسفه لردن ، خصوصیه
دیپلوماتجه فکر لردن قورقیکنز . حسیاتکنز سیاساته ایتنا
ایتمسون . بو کون صوك درجه تردی ایتمش و کرداب انحطاطك
تا کنارینه کلمش اولان فرانسه یی یاشاتان نه اولدیغنی بیلور .
میسکنز ؟ آلمانیا به اولان خصومت . افکار مفرطانه به ذاهب
اولیمان تام بر فرانسه به بو کون صوریکنز . آزراس - لورهن
اوزرنده کی حق حسی و وطن پرورینسی عجبانه به مقابل ترك
ایده بیلیر ؟ ظن ایتم که آزراس - لورهن جسامتنده بر آلتون
کلچه سی فرانسه کزک قلبندن بو حق حسی و وطن پرورینی
صاتون آلابیلسون . بزم صوك محاربه مز ائناسنده قره طاغده
واقع وقاتارو بوغازینه حاکم (لورهن) نامنده اهمیتسز برته نك

اوستریایه الحاقی سوزی چیمش ایدی . قرال نیکیتا مطبوعاته اولان بر تبلیغنده : او تپه بیوکلیکنده صافی بر پرلانطه ویرسهر بن ینه آنی ویره مم، دیمشدی .

فکر خصومت یا لکنز قلبی قالمایلدر . مثلاً اقتصاداً اعتلا وارتقا، اجانبدن مستغنی اولاجق درجه ده تجارتنی توسیع ، فکر خصومتک انجلاسی دیمکدر . روسیه ده کی مسلمانلر یا لکنز بر برلریله آلیش ویریش ایدیورلر . روسلر آنلره محتاج اولیورلر ، کندیلری موسقوفلره عرض افتقار ایتمیورلر . بو بزم ایچون نه کوزل بر مثالدر! اولانجه همتی تنسیقات اقتصادیه ویرملی بز . یونان استقلاللی املیله تشکیل ایدیلوب وظیفه سنده موفق بالشر اولان (اُنیککی نه تریثا) آمال ملیه نک حصولی ایچون معارف و تجارتی ایلری به سورمشدی . ای ترکار ! سزده بو یونان جمعیتک خط حرکتی تعقیب ایدیکنز .

تنسیقات و تشکیلات اقتصادیه اقدام تام ایله دوام ایدیکنز ، یواش یواش هم جنسلر کزدن بشقه سنه عرض افتقار ایتیه جک درجه ده کندی ایشیکزی کندیکز کوریکز . تجارت ایدیکنز ؛ خاتم الانبیا تاجر ایدی . خلیفه رسول کبریا جناب ابا بکر الصدیق خلافته تعیین اولندیغی کون آرقه سنه برقاچ طوب قماش آلوب برای تجارت بازاره کیتمش ایدی . سزی اسارت سیاسیهدن قورتاره جق فلاح اقتصادیکنز ، حریت مالیه کزدر .

زنکین اولور ایسه کز دها جلا دتلی وقهار اولورسکز
طوق قارنه محاربه ایتمک لاغرو آج، خسته ناتوان بوغوشمقدن
الته دها قولایدر .

مملکتتمز انحطاط زده دکلدر . عزم وأمل، ارادت وقوت ترک
روحنده سونمه مشدر . بزم وظیفه من عزم و ارادت کبی قوای
روحیه یی تمیه و تربیه ایله ینه روحلرمزه ساری اولان
رخاوت و لاقیدی پی ازاله ایتمکدر . ظن ایتمه ییکز که
مسلمانلر و ترکرلر صفحه حیاتلرینک آن واپسیننده بولنیورلر .
اصلا ! قدیم غربی روماده، دوره انحلالده ، هیچ بر مرد
صحنه جلادته چیقمامش ایدی . حالبوکه میدان فعالیت آتیلان
بعض مرد و متین کیمسلر کوریورز که آنلرک وجودی بیله
عروق حیاتم زده بیوک بر عزم اولدیغنه دلالت ایدر .

مثال ایستیورمیسکز ؟ عددی پک آز اولیلان ارباب عزم
آره سنده مثلا انورک سیهای جلادتی ، ناصیه عزم و متاتی ،
الحق ، شایان افتخاردر . یاشی اوتوزی پک کچمیان بو وطنداشمزک
سلسله افعالی بر (آپوه) اولیور . دوشونکز : بالقاندره
بولغار عسکر و ضابطانندن مرکب چته لره قارشلی سل سیف
ایدوبده ، دائما (مارلبوروغ) کبی مظفر اولمق ، مشروطیتک
استحصالی ایچون حرکات عمومیه یی اداره ایتمک ، بنغازی یه
قوشوب اصلا مغلوب اولمده دن ایتالیا نلری ییلدی رملق ، ادرنه نک

استرداد مبعجلی ایچون هر کسه قارشی کلوب سلطان سلیم جامعی ید اعدادن قور تار مق . . . و ، اونو تیهلم ، باب عالی نی باصوب کامل پاشا و انقاض متفسخه ماضی نی بریغین سو پروتی کبی سو پورمک ، ایشته بونلر برایشدر . روحی ٹولش و سونمش ملتک ایچنده بویله ناصیلهر چیقماز .

عالم تجارتده ، عرصه فلاحته ، میدان ادبده ، مکتب عرفاندهده انورلره محتاجز . قابلیت منطقی اولیان ترکار و مسلمانلرک ایچنده انور بردکدر . بنغازی قهرمانی نوعیتده یکتا اوله ماز . آکا مهد وجود اولان وطن البته دیکر لر نی ده طوغور مشدر . آنلرک کندیلر نی کوسترملری ایچون اوکلرینه بر شاهراه آچلی بز . بر حمله ویرملی بز . تردد لر نی ؛ محجوبیتلر نی ازاله ایتملی بز .

بونلرک جمله سی شیمه خصومتک انجلاسیله اولور ، بز مالک مغصوبه مزی استرداد ایده جکز . بز اعدامزه غلبه ایده جکز . بز قاسمیه جامع شریفنک اوستده کی صلیبی قالدیره جغز . بز آلزندن نزع ایدیلن ممالک مبارکه اوزرنده بر علامت نحس کبی تموج ایدن بایراقلری عسکری موزه سنه نقل ایده جکز . ایشته بوفکر لرله یا شاملی بز که ستاره زمین اوزرنده کی موقع مزی غائب ایتملم و انا فتحنا لک فتحاً مینا وعد صمدانیسنه مظهر اولهلم .

یکی کوی ، ۳ کانون ثانی ۱۳۲۹






1

2

3


4


5











PRINCETON
UNIVERSITY
LIBRARY

Princeton University Library



32101 076526845

DR584
.I434

RECAP

**MUSLUMANLARA,
TURKLERE HAKARET
DUSMANLARA RIAYET
VE MUHABBET**

'ILERI